
МОҲИ РАМАЗОН ТАРТИБЛАРИ.



24 апрелдан мусулмонлар интиқиб кутган муборак Рамазони шариф ойи кириб келади. Ўзбекистон Мусулмонлари идораси Уламолар кенгаши сизлардан ой давомида қуйидагиларга қатъий амал қилишингизни сўрайди:

1. Рамазон ойида адо этиладиган тарових намозлари масжидларда ўқилмайди. Тарових намозларини уйда ўқиш тавсия этилади.
2. Одамлар тўпланишининг олдини олиш мақсадида оммавий ифторликлар қилинмайди. Яқин қариндошлар ва қўшнилар ҳам таклиф қилинмайди. Ифторлик қилишни ният қилган фуқаролар ифторликка атаган маблағларини маҳалла оқсоқоли билан маслаҳатлашган ҳолда эҳтиёжманд ёки кам таъминланган оилаларга моддий кўмак сифатида сарфлашлари мақсадга мувофиқдир.
3. Закот, фитр ва фидя маблағларини “Вақф” жамоат хайрия фонди ва унинг ҳудудий бўлимлари ҳисоб-рақамларига ўтказиш ёки ҳомийлик хайрияларини мувофиқлаштириш марказларига топшириш тавсия қилинади.
4. Муқаддас ойда хатми Қуръонлар онлайн кўринишда ташкил этилади.

Карантин қоидаларига риоя қилиш ҳар бир фуқаронинг бурчи эканлигини унутмаган ҳолда, хайрия ишларини амалга ошириш халқимизга хос эзгу фазилатлардан эканлиги ҳамиша ёдимизда турмоғи зарур.

Қадрли юртдошлар, тавсияларимизга амал қилган ҳолда Рамазон ойини тинчлик-омонликда, соғу-саломатликда ўтказиш барчамизга насиб этсин.

С. НУРИДДИНОВ,

туман “Саидахмадхон ҳожи” масжиди имом-хатиби.

2020-04-22 10:31:18